

## NAADAMAAGEMAGAD JI-MINO-AYAAYANG MIINAWAA JI-BAAKA KONIGEYANG NENDA-GIKENDAAGWAK NAGISHKODAADIWINAN

### Awegonen iw nenda-gikendaagwak nagishkodaadiwinan?

Nenda-gikendaagwak nagishkodaadiwinan, mii keyaa enokiijig aakoziiwigamigong mikawaawaad awegwenan gaa-nagishkawaajin ayaakozinijin COVID-19 ji-gagwejimaawaad ji-nanda-gikendaagwak giishpin aakozinid miinawaa ji-nazhike-ayaawaad biinish gikendaagwak.

Apiitendaagwad wewiib gikendaagwak miinawaa nazhike-ayaawaad ayaakozijig COVID-19 nenda-gikendaagwak nagishkodaadiwinan ji-aangwaami-baakaakonigaadeg Zhaaganaashiiwakiing ji-bimaasinzinok onzaam iw aakoziwin. Gidaa-wiidookaage aapiji dazhiikaman nenda-gikendaagwak nagishkodaadiwinan. Mii aabajitooyan nanda-gikendaagwado-nagishkodaadiwini-dookinigan gaagiigidowining, mikendaman awegwenag gaa-waabamadwaa, mawadishweyan miinawaa babaa-ayaayan miijimadaaweyan gemaa baa-ayaayan miikanaang.

### Wenipanad aabajitooyan nanda-gikendaagwado-nagishkodaadiwini-dookinigan gaagiigidowining


Gizhiisin miinawaa ganawendaagwad COVID Alert, ezhinikaadeg dookinigan gaagiigidowining Zhaaganaashiiwakiing, ji-wiindamawindwaa gaa-mikangig iw aakoziwin COVID-19. Aabadak Bluetooth nanda-gikendaagwado-nagishkodaadiwini-dookinigan gaagiigidowining, maada'ookiimagadoon agindaasowinan giimoodak ji-wiindamawindwaa ayaabajitoojig besho.

Giishpin inaapineyan COVID-19, gidaa-giimooji-wiindamawaag besho gaa-waabamadwaa midaaswi ashi niyogon.

Giishpin awiia gaa-waabamad midaaswi ashi-niyogon ani-inaapined COVID-19, giga-wiindamaagoo.

### Dookinigan Gaagiigidowining:

- Inashke *gaawiin* na'echigadesinon gekendaagwakin gidinamanji'owin gemaa aawayan.
- Inashke *gaawiin* na'echigadesinon gekendaagwakin eyaayan GPS
- Webinigaade gakina gegoo ishkwa-ashi-niyogonagak
- Daa-abadad Android gemaa iPhone
- Anokiimagad naasaab dookinigan opime-ayi'in Zhaaganaashiiwakiing



### Gashkitoosowan ji-aabajitooyan dookinigan gaagiigidowining Bebakaan ayi'in gidaa-na'etoon awegwen gaa-waabamad

Gidaa-mazinaakiz dibi ezhaayan, gidaa-ozhibii'aan gaagiigidowining gemaa mazina'iganing, dibishkoo go **OMA's Mashkimado-mazina'igaans.**

- Ozhibii'aan aaniin apii miinawaa aandii gaa-izhaayan, miinawaa awenen gaa-waabamad.
- Okobii'aan wiinzowin awegwen gaa-waabamad awashime midaaswi ashi naano-diba'igaansan gemaa nawaj bezho ningodwaasozid.
- Giishpin gikenimaasiwad awiia waabamad, ozhibii'an gekendaman, dibishkoo *"Ginwenzh ingii-kanoonaa enokiid miijimadaawewigamigong XX adaawewigamigong YY diba'iganek ZZ gaa-inagin zod giizis."*